

مجموعہ ابوالضیا

ماسوا شاہہ سندن دلی تطہیرہ چالش
پرتو حکمت و عرفان ایلہ تنویرہ آتش

علوم و معارف دین بحث ایدرہ و ہر ماہ عرفی ابتدائہ اون ہشتادہ نشر اول نور فنون غرتہ سدرہ

نومرو ۱۲ [فی غرہ ربیع الاول سنہ ۱۲۹۸] نسخہ سی ۳ فروش

حتی صدر اسلامده حضرت فاروق اعظم عادت مستحسنه سینه لری اوزره بر کججه آسایش و امنیت و رفاه و سعادت اهالی بی تأمین مقصدیله سوفاقدہ کز لر ایکن بر اودن شرقی سسی، موسیقی اثری، حاصلی عادات اسلامیده مغایر و مخالف بعض احوال حس بیورمشلر. و بسببلی خانہ نک دیوار لری آلچاق و یقیق اولدیغندن، قیوجهنی آرانلیهرق بغته ایچرو کیرمشلر (!) واوراده بر عشرت و فسق و فجور مجلسی بولمشلر و حسب المأموریه صاحب خانہ بی تکدیر و تغیرر ایتمک تمیلرندہ صاحب خانہ « بن یالکز بروجهله قباحث ایتدم؛ جناب امارتاً بآبرندن ایسه درت وجهله مساحده و قوعبولدی؛ اولاً «فادخلوا البيوت من ابوابها و ثانيا «فاستأذنوا من اهلها» فرمانته امتثال بیورلمدی. ثالثاً تهورله سلام ویرله مدی. رابعاً «ولا تجسسوا» بیورلمش یعنی وظیفه سامیه لری یالکز میدانده کوریلان شیلره حصر ایدلمش ایکن ایچرویه کیرلدی» دیمش و بونک اوزرینه عدالت مجسمه اولان حضرت فاروق همان حق ویرهرک عودت بیورمشلردر.

فرانسه ده معارف

فرانسه مبعوثان مجلسی طرفندن بوکره موقع مذاکره قونیلان معارف ابتدائیه قانونی لایحه سنک برنجی ماده سی شویله در:

معارف ابتدائیه تدریس اخلاق و وظائف اجتماعیله قرائت و تحریردن، فرانسه زسانیه مبادی ادبیاتندن، جغرافیسه و بالخاصه فرا-نسده نک جغرافیسه سنندن، تاریخ و باخصوص زمانزه قدر فرانسه تاریخندن، حقوق و علم ثروت اوزرینه بعض معلومات مفیده و مبادی فنون طبیعیه و ریاضیه و هیئت ایله بونلرک زراعت و حفظ صحت و صنایعه تطبیقندن، ال ایشلاریله باشلیجه ادوات صنایعک استعمالندن، مبادی تصویر ایله

مودل چیقارمق فنندن، موسیقی و ژیمناستیک و ارکک چوجققلر ایچون
عسکر تعلیمندن و قز چوجققلر ایچون ایکنه ایشلرندن عبارتدر .

قزله مخصوص درجه ثانیه مکانی ایچون مجلس مذکورده قبول
اولنهرق، ۲۱ کانون اول ۱۸۸۰ تاریخنده رسمی (ژورنال) ده اعلان
اولنان قانون دخی شودر :

برنجی ماده — حکومت طرفندن ایالات اداره لریك معاونتیه قزلك
درجه ثانیه معارفی ایچون مکتبلر تأسیس اولنه جقدر .

ایکنجی ماده — بو مکتبلر نهاریدر؛ بلدی مجلسلریك طلبی اوزرینه
حکومت ایله بالموافقه مکاتب مذکوره یه لیلی مکتبلردخی علاوه اولنهرق،
سائر مکتبلرک نظامانته تابع اوله جققلردر .

اوچنجی ماده — معارف نظاریله ایالت و قضاال ییننده بالمخبره
لیلی مکتبلره مجائاً الله جق قز شاگردلریك و معلم اولمق اوزره قبول
اولنه جق شاگردلک مقداری تعیین اولنه جقدر .

دردنجی ماده — قزلك ایکنجی درجده معارفی اوله اخلاق، و ثانیاً
فرانسزلسانی و صوت بلند ایله قرائت و لاقل برسان اجنبی و ثانیاً، ادبیات
قدیمه و جدیده و رابعاً، جغرافیه و قوزموغرافیه و خامساً، تاریخ ملی ایله
تاریخ عمومی اوزرینه معلومات مجمله و سادساً، رقم و مبادی هندسه و کیمیا
و فیزیک ایله تاریخ طبیعی و سابعاً، حفظ صحت و ثامناً، علم تروت بیتیه
و ثامناً، ایکنه ایشلری و عاشراً، مرعی اولان حقوق اوزرینه معلومات
مجمله و حادی عشر، رسم و موسیقی و ژیمناستیک فنلرندن عبارتدر .

بشجی ماده — مذهب درسی ابویك طلبی اوزرینه منسوب اولدقلری
دینک تلقیننه مأمور اولانلر طرفندن مکتبک داخلنده و فقط فنون سائر درسلری
خارجنده تعیین اولنان اوقانده تدریس اولنه جقدر . تلقینات مختلفه دینه
مأمورلری مکتبلرده تدریس دخی مأمور اولدقلری حالده معارف عمومی

نظارتی طرفه‌سند قبول اولماری لازم‌ه‌دن اولوب، فقط مکتبه اقامت
ایتمه چک‌لردر .
آلنجی ماده — ایکنجی درجده معارف مکتبلرینه برر دخی یداغوزی
یعنی معلمک فنی مکتبی الحاق اولنه یله چکدر .
یدنجی ماده — درجهٔ نایسه مکتبلرینه تدرسه اقتدارلری بالامتحان
تیین ایلدکجه شاگردان قبول اولغز .
سکرنجی ماده — درجهٔ نایسه مکتبلرده اکمال تحصیل ایدن قزلره
بعدالامتحان شهادتنامه ویرله چکدر .
طقوزنجی ماده — بومکتبلر بر مدیره‌نک تحت اداره‌سنده اولوب،
معلمه و معلمک دخی رسمی شهادتنامه‌ینی حاز اولماری لازم کلور .

اخلاق

بیوک فره‌دریقله خدمه‌دن بری

پروسیا قرالی بیوک فره‌دریق حقنده منقولدر که :
مشار الیه بر کون خدمه‌دن برینی چاغرمق اوزره چنغراغی چالار ؛
آره‌دن یارم دقیقه قدر زمان مرور ایلدیکی حالده خلاف معناد خدمتکار
ظهور ایتز . فره‌دریق مراق ایده‌رک، قلقوب، طیشاری چیقار؛ کورر که
نوبنجی خدمتکار بر قانابه‌نک اوزرینه یاصلاغمش اولدیغی حالده او یویه
قالمش . او آراق فره‌دریقک کوزینه اوشاغک قوینندن اوجی طیشاری
چیقمش بر کاغد ایلشیر؛ و بر فکر متجسسانه ایله کاغدی آلوب اوقور .
مکتوب خدمتکارک والده‌سندن اولوب، خسته‌لکی حالده اوغلنک کو-
ندرمش اولدیغی بر مقدار آقچه، تدارک معالجه‌یه و بناء‌علیه اعاض بروطافینه
سبب اولدیغندن، طولانی اوغلنه تشکر و دعا‌یی متضمن ایش .